

Среда

13 ноябрь 1940 ар

№ 85

# КИРОВЕЦ

ВКП(б)-лэн  
Тыловой Райкомезлэн нэ  
трудяшоеслэн депутатёссылэн  
Тыловой Районной  
Советсылэн  
о р г а н з ы

6-тй арзэ потэ  
Дуныз 5 копейка

## Нюлэс дасянылы бадзым саклык

ВКП(б)-лэн Удмуртской Обкомезлэн решениез'я 1 октябрьсен колхозникёслэн нюлэскын ужаны массовой мынонзы организоват каремын луыны кулэ вал. Нош озы ке но октябрь толэзьлэсь планзэ быдэстонлэн мынэмез право уг сёты районамы нюлэс дасян умой пунктэмын шуыса вераны.

Тани басьтом Тыловой лесопункт'я нюлэс коранлэсь мынэмзэ. Октябрь толэзьлы пус'ем план коран'я 64 процент гинэ быдэстэмын, подвозкая — 34 процентлы, пристане поттон'я — 29 процентлы.

Чидантэм ляб ужало та лесопунктэ прикрепить карем Бородулинской сельсоветысь колхоз'ёс. Быдэсак сельсовет октябрь толэзьлэсь планзэ нюлэс коран'я — 82 процентлы, подвозкая — 12 процентлы, пристане поттон'я — 43 процентлы сяна оз быдэсты. Зюзинской сельсоветын коран'я 48 процент, подвозкая 36 процент но пристане поттон'я 34 процент сяна быдэстэмын.

„Пролетарий“ колхозысь договор заключить карем мурт'ёс та дыре но 9 мурт нюлэс оз ветлэ на. Тросаз колхоз'ёсын план'я договор заключить карымтэ. „Динамо“ колхоз план'я 10 вал поттыны договор гожтыны кулэ, нош гожтэмын 5 вал поттыны. „Нов. городок“ колхозын 13 вал интые 8 вал сяна озветлэмын.

Нюлэскы ужась кужым потымтэлэн мугез со бордын но, что нюлэс организациосын ужасьёс договор заключать карыкузы ужлы формально относиться карыськизы. Договор'ёс гожтылызы нюлэскын ужаны быгатйсьтэм мурт'ёсын. Кылсарысь, Тыловой Лесопунктлэн азьвыл начальникез Сулоянов „Пролетарий“ колхозын договор

заключить карем ар'ёсын висыса улысь муртэн М. В. Кожевниковен, старшой но рядовой конюх'ёсын, СТФ-ын, МТФ-ын, ОТФ-ын ужасьёсын. Сулоянов лид'ям договорной кампаниез кыче ке повинностез сямен.

Озы ик верано луэ масово валэктон уж пунктэм сярись но. Нюлэскын ужасьёсын валэктон уж уг мыны, культурной обслуживание овёл. Ужез сыче урод пунктэмен Тыловой лесопункт'я одиг ударник но стахановец но уг лид'яськы. Ужлэн производительностез ичи. Кулэез'я вёлмытэмтэ чышатскыса ужан но.

Та дыре самой ответственной но хозяйственной ужен луэ нюлэс дасян. Партийной но Советской орган'ёс чик жегатскытэк юрттоно луо нюлэс орган'ёслы, нюлэскы ужась кужым ыстон понна колхоз'ёсын договор'ёс лэстыны но нюлэскы тырмыт но дыраз ужась кужым поттонын.

Нюлэскын ужась кужым организовано мед ужалоз. Со понна колхоз'ёслы кулэ нюлэскы мынйсьёсты нимаз бригадаосы, группаосы организоват карыны. Котыкуд бригаден кивалтон понна бригадир вис'яно. Кылем арын луэм янгыш'ёсты лэзэнтэм вылысь, нюлэс организациослы колхоз'ёсын вис'ям бригадир'ёсын курсы-техминимум ортчыт'яно. Дышетскемзы бригадир'ёслы юрттоз ужез шонер организовать карыны, ужлэсь производительностез жутыны.

Котыкуд колхозлэн правлениез бадзым саклык вис'яно луэ нюлэс коран но ворттон уж'ёслы, тупатэм планэз азинлыко но дыраз быдэстон понна юр'яськонэз кужмоятыса.

## Ивортон

1940 арын 16 ноябре, 10 часэ чулна райклубе локаське районной партийной собрание.

### Эскероно ужпум'ёс

ВКП(б)-лэн Удмуртской Обкомезлэн ноябрьской пленумезлэн итог'ёсыз сярись.

ВКП(б)-лэн Тыловой районкомез.

## Егит'ёс шумпотыса мыно Ремесленной училищеосы но ФЗО школаосы

Асьме районын кык нунал мынйз ни ремесленной училищеосы но ФЗО школаосы дышетскисьёсты кутон призыв. Медицинской комиссия азе султо огеэзлэсь мукетыз таза егит'ёс.

Нырысетй нуналэ комиссиес ортчизы 37 мурт. Соос ваньмыз сямен ик 7 классэз дышетскыса быдтэм'ёс. Тросэз луо комсомолец'ёс.

Дышетскисьёсты ыстыны комиссия ужа на. Асьме районьсь ваньзэ ыстоно 50 муртэз дышетскисьёсты.

## Бадзым доход

Асьме Тыловой районьсь колхоз'ёсын туэ клевер удалтиз. Колхоз'ёс солэсь туж бадзым доход басыны быгато. Клевер кидыс тыремын ке 1 декабрэз, солы котыкуд центнерезлы быдэ 4 центнер котыкыче культураен государстволы ютысь тыремен лид'яське. Со сяна, клевер кидыс тыремын ке договорын верам сроклэсь бере кылытэк но планлэсь вылтй, соку сётйське премия - надбавка.

Клеверлэсь пайда сётэмзэ зеч валаз „Равенство“ колхозлэн правлениез. Татын клеверез кутсаны кутскизы дыраз. Заготовительной дун'я государстволы сётйзы 710 килограмм клевер кидыс. Тйни со понна дун басытйзы 4919 манет. Планлэсь мултэс сдать каремы понна басытйзы на 7102 манет премия-надбавка. Ваньмыз доходэз люкаськиз 12.017 манет. Со сяна, клевер кидыс сётэмзы лид'яськиз 28,12 центнер ю-нянь сётон интые.

„1-й май“, „Октябрь“ но мукет'ёсыз колхоз'ёс клеверзэ оз кутсалэ одиг гектар вылысь но. Соос одиг но уг сюлмасько клевер кидыс сётон понны.

Тйни озы колхоз'ёслэн правлениеосы клевер кутсан понна сюлмаськымтээн бадзым доходзэс ышто.

С. КОРЕПАНОВ.

Советской союзын

## Советской Союзэ вуиз Ракоши эш

СССР-лэн правительстве но венгерской правительстве кустын вераськем бере тюрмаысь эрике поттэмын но Советской Союзэ вуиз венгерской рабочий дваженилэн тодмо деятелез Матиас Ракоши эш. Тюрмаын со 15 ар чоже пукиз.

3 ноябре Ракоши эш пось мылкыдэн пумитамын вал Львов городысь общественнойной организациослэн представительёсынызы. Ожыт шутэтскем бераз Ракоши эш отысен мынйз Киеве. Поезд вуон азын Киевсь вокзалэ люкаськизы партийной но советской организациослэн представительёссы. Соос зырдыт зечкылазы Ракоши эшез.

6 ноябре Ракоши эш вуиз Москвае. Соин чош лыктэ Золтан Вейнбергер эш, 15 ар пукемез бере венгерской тюрмаысь эрике поттэм мурт. (ТАСС).



Суред вылын: Сталиногорск городын (Тульской область) Сталинлэн нимыныз нимам Химкомбинатын ужасьёслэн но служащоеслэн улон корказы.

ТАСС-лэн Фото-Клишеез.

## ТАСС-лэн ивортонэз

Рейтер агентство „Нью-Йорк Таймс“ нимо американской газетэ поттэм иворез вёлдэ, кудаз верамын, что та берло дыре Греции Советской Союзьсь 120-а, 150-а военной

самолёт'ёс вуизы шуыса. ТАСС уполномочить каремын вераны, что Рейтерлэн быдэсакез та же ивортонэз солэн автор'ёсызлэн фантазиенызы луэ нокизы но ээмлы уг тупа.

### Граница сьорысь ивор'ёс

#### Английской корабльёс Греции вуизы

Юнайтед Пресс агентстволэн Афиньсь корреспондентэзлэн ивортэмез'я, английской военной корабльёс Крит острове но мукет греческой военно-морской базаосы вуизы. Грек'ёс но англичан'ёс Додеканесской остров'ёсысь

итальянскоф базаослы пумит воздушной но военно-морской операциос дасяло дыр шуыса чаклало. Азыланаз корреспондентлэн верамез'я, Писсодерия гурезьёсы грек'ёс артиллерийской орудиез пуктылызы. (ТАСС).

#### Стефани агентство греко-албанской граница бордын операциос сярись

Стефани агентство греко-албанской фронтэсь сыче ивортонэз сётэ: „Куазь чебертскиз. Зорыса, тблэськыса но кезыт улэм бере али куазь шундыё луиз, соин ик солдат'ёс

али сюрес'ёс лэстыны кутскизы. Азылане мыныны понна сюрес'ёс основной условиосын луо. Войскоос бадзымезь операциослы дасесь“.

#### АНГЛИЛЭН ГРЕЦИЛЫ КОНЬДОНЭН ЮРТТЭМЕЗ

Рейтер агентстволэн корреспондентэзлэн Афиньсь ивортэмез'я, греческой правительстве Ангилэсь

20 миллион фунт стерлинг коньдонэн юрттэт басытйз. (ТАСС).

### 4000 кубометр нюлэс дасяны

Нюлэс дасялэн пось дырыз. Ялан паськыт вольме чошатскыса ужан. Тыловайской лесопунктын постоянной кадрын ужасьёс куспазы социалистической договор'ёс гожтыса ужало. П. Сунцов эшлэн бригадаез, 5 мурт ужасьёсын, обязательство басьтыз сезон куспын 2000 кубометр

нюлэс дасяны. Бригада социалистической соревнования отиз Никитинлэсь но Калашниковлэсь бригадазэс. Та бригадаос бтемзэс кутызы но кыл сётйзы сезон куспын огез 3000 кубометр, мукетыз 4000 кубометр нюлэс дасяны 1941 арын 1 апрелёз.

**А. Максимов.**

### Нюлэс дасянысь стахановец'ёс

Нюлэс дасянын ужасьёс Великой Октябрьской Социалистической революцилэн XXIII годовщинаезлы сезем социалистической соревнование пырыськыса ужасы. Нормаосэс мултэсэн быдэс'яло. Уйвайской сельсоветысь „Поляна“ колхозысь Н. Т. Евдокимов но В. В. Перевозчиков эш'ёс. Соос нуналлы быдэ 6 кубометр лу дасяло, норма 4 кубометр.

„Нов. школа“ колхозысь колхозник'ёс П. Н. Васильев, Е. М. Перевозчиков, П. П. Перевозчиков но И. К. Трошков эш'ёс ужан нормазэс нуналлы быдэ 150 процентлы быдэс'яло. Соос нюр'ясько сезонной планэз дырызлэсь азыло быдэстон понна.

„Красная“ колхозысь Н. Ф. Безруков 4 кубометр нормая, быдэс'я 5,5 кубометр.

**Роготнев.**

### Вуз каронэз вильдоно

Тыловайской лесопунктлэн лареказ вуз карисез Жаворонкова, ужасьёс азын ик товар'ёслэсь дун'ёсэс бюджетса вуза. Пёртэм товар'ёсты растранировать каре. Товар'ёсэс лесопунктын ужасьёслы вузам интые, вузалляз кинлыке шедем. Кылсарысь, озы вузаз чорыгез, сливочной вбоз но мукет'ёсэс.

Аслыз киултиз лесник'ёслы вис'ям мануфактураез. Лесник'ёс солэсь со мануфактураез куризы но Жаворонкова соосты оскорбить кариз, ти спеку-

лянт'ёс шуса. Со озы оскорбить кариз Барановез но мукет'ёсэс.

Татчы ваемын вал майтал 120 килограмм. Кусокез сылэ вал 1 м. но 30 к, нош сое вузаз 1 м. но 63 к. дунэн.

Озы ик мукет вуз'ёслэсь но дун'ёсэс со бюджетса вузалляз. Солэсь кызы ужамзэ нокин контролировать карись овёл. Контролировать карем интые, товар ваемлэсь азыл ик соос товарез кинлы кызы вузаны верасько.

**П.**

### ПОРЯДОК ПУКТОНО

Тыловай лесопунктлэн Кедзинской лареказ 15 октябре сикын ужасьёслы ваемын вал тодь нянь, нош та нянез сикын ужасьёс басьтэм интые десятник'ёс асьсэос куинь-ныль буханкаен бичазы. Тужгес ик татын порядкез нарушать каре десятник Сунцов Спиридон. Сунцов 15 октябре со нянез 3 буханка басьтыз, нош 16 октябре чукна лареке мынйз но нош ик одйг буханка басьтыса гуртаз нуиз. Бертыкуз адзиз ужасьёслэн бараказы богинкаос нуэмзэс, отчы со туж дыртыса мынэ.

Сунцов аслаз ужез понна трос ик уг сюлмаськы. Лареке маке ваё ке, со отын самой первой луэ. Та сюлмаське только аслыз трогем дйськут но продукцияос басьтыны.

**Ш.**

### Вал'ёсты пыртон инты овёл

Щудзялуд сельсоветысь „Орехово“ колхозын муз'емзыя 18 вал луыны кулэ. Али одйг валзы уг тырмына.

Татын таоссэ но вал'ёсэс пыргыны интызы овёл, кыксэ-куиньзэ валзэс пеллон колато. Куанер пудо чуда. Нош колхозлэн председателезлэн Князевлэн көберыз но овёл. Уг-а мара со вала пудолы кезыт шуыса, пичи пинал овёл веть сокем валантэмлы. Общественной пудо понна сюлмаськымгэныз со озы луэ.

**К. Кельдибеков.**

### Трахомалы пумит нюр'яськемлэн результат'ёсыз

Тыловайской районьсь медицинской ужасьёс Великой Октябрьской Социалистической революцилэн XXIII годовщинаез азе асьсэ вылэ обязательство басьтыса трахомаен висёнэз синтйзы 15 процентозь.

Али асьме районамы 22 трахоматозной пункт'ёс ужало. Колхоз'ёсын трахоматозной пункт'ёсты кылдытэмен валче, трахомаен висён'ёслэн лыдзы арысаре трослы синйны кутскиз.

Трахоматозной пункт'ёслэн ужаменызы гинэ ми ум буйгатскиське, ми бригадаосын потаськомы на гурт'ёсы. Та трахома висёнлэсь кышкытлыксэ но солэсь утятлысьдон сярись

калыклы валэктыса лэсьтылыськомы лекциос, беседаос.

Көнэ ке кыл трахома лэн синэз сбремез сярись. Трахома тужгес ик кышкыт аслаз осложнениосыныз. Син висе ке трахомаен, син кабаке ийкон потэ. Соку синкабак берытске (заворот век). Син кабаке потэм ийкон, син чеберез зыраса язва лэсьтэ. Язва луэм бере синме бельмо кылдэ. Али ми син кабак берытсконлы пумит операцияос лэсьтыськомы ини, туэ арын 99 операция лэсьтэмын. Нош озы ке но трахомаен висёнэз эм'яно дыраз. Синме бельмо ке луэ, ужаны быгатись кужмо адыми пуконо луэ синтэк.

**Врач А. И. Маркова.**

### ЗУБНОЙ КАБИНЕТ УЖА

Асьме районын та дырозь зубной кабинет ой на вал, туэ нырысьсэ устыськиз. Татчы ужаны лыктыз егит зубной врач

Ф. М. Шнейдер. эш Со, 10 октябрысен кутскыса, облужигь кариз ни 289 муртэ висисьёсты, соос пöлысь куатысэ пинал'ёсты.

### Всеобуч сярись законэз уг утё

Партия но правительство ортчыто всеобщей обязательной семилетней обучениез. Нош али кудогезлэн пинал'ёслэн бубымумьоссы пинал'ёсэс дышетскыны уг лэзьяло. Тани, кылсарысь, „Н-Путь“ колхозысь В. Бегенев аслэстыз пиналзэ дышетскыны уг лэзья, пинал возьманы кулэ шуыса. Солэн пиналыз дышетске вал 1-тй классын.

Пиналзэ дышетымтэз

понна Бегенев вылэ акт составить каремын но предупредить каремын, азыланьын пиналзэ дышетскыны оз ке лэзьы, судэ сётэмын луоз шуыса.

Пинал'ёсэс дышетскыны чөм дыр'я уг лэзьылыло В-Четкерской сельсоветысь М-Шишур но Б-Шишур гурт'ёсысь колхозник'ёс но. Тужгес ик дышетскыны уг ветлыло 5 классын дышетскисьёс.

**И. Ф. Белослудцев.**

### Кужмоесть трудовой резерв'ёс

Сталинской пятилеткалэн ар'ёсыз куспын Советской калык, коммунистической партилэн кивалтэмез улсын, кылдытыз кужмо индустрия. Котыкытын ик лэсьтылэмын виль завод'ёс, фабрикаос, электростанциос. Соос вооружить каремын азымынйсь техникаен, синмаськымон станок'ёсын но машинаосын. Асьмелэн Социалистической промышленностимы будэ дугдылытэк, пыр кужмояса, квалифицированной рабочий кадр'ёсты кулэ карыса.

Асьмелэсь промышленностьме азылане паськытатон задача кулэ каре шахтаосы, рудник'ёсы, транспортэ, фабрикаосы но завод'ёсы выль ужась кужымлэсь ялан лыктэмзэ. Рабочий класслэсь составзэ вискарытэк пополнять карытэк асьмелэсь промышленность-

мес азинлыко быдэстыны уз луы“, — верамын Государственной Трудовой резерв'ёс сярись СССР-лэн Верховной Советэзлэн Президиумезлэн Указаз. Та исторической Указ быдэсак разрешать каре промышленностьлы квалифицированной рабочий кужым дугдылытэк планоно лыктон сярись вопросэз.

Трудовой резерв'ёслэн быдтонтэм бадзым источникенызы луэ колхозной гурт. Сельской хозяйствосысь уж'ёсты механизировать карон советской крестьянинлэсь ужзэ капчиятыз, будэтйз солэсь производительностьсэ, ужлы трос дыр быдтонлэсь мозмытыз. Со тужумой адзиське колхозной, артельной хозяйствозе единичной хозяйствозе чошатыса. Народнохозяйственной учётлэн Централь-

Мы с радостью пошлем своих детей в Ремесленные и Железнодорожные Училища и школы Фабрично-Заводского Обучения



ной Управлениезлэн (ЦУНХУ) даннойёсыз'я, одйг центнер но тысь будэтонлы но кутсаны колхоз'ёсын куинь пол ичи ужаське, единичной крестьянской хозяйствозе сярись. МТС-ёслэн комбайн'ёсынызы но трактор'ёсынызы колхоз'ёсын вань уж'ёсаз 1937 арын ужасы 1,9 миллион ужасьёс. МТС-ёс ой

ке юргтысалзы, та уж'ёсты ик быдэстыны колхоз'ёслы кулэ лубысал 9,1 миллион адыми. Тини озы, кыктэтй пятилеткалэн пумаз ик выль машинной техникаез уже паськыт кутэмен колхоз'ёсын шыр'яськиз трос миллион адымилэн кужымез.

Азымынйсь колхоз'ёс пример возьмато ужась кужымез уже шонер кутон ла-

сянь, общественной артельной хозяйствозе эшшо но бюджетон ласянь. Соослэсь опытсэс мукет колхоз'ёслы валэктон колхозной селолэсь трудовой резервзэ трослы бюджетоз.

Туэ Ремесленной но Железнодорожной училищеосы кутыны кулэ 350 сюрс мурт но Фабрично-Заводской обучение школаосы 250 сюрс мурт. Дышетскыны кутон ортчоз призывен (мобилизацияен) но озы ик открытой амалын (добровольно).

**Н. Николаев.**

**Отв. редактор**

**Ф. Г. КОЖЕВНИКОВ.**

ЯЛОН

„1-й май“ колхозын пытса-мын мумы чуж парсь, паллян пельзы вандэмын мырк.